



Tunup sineriaani qilalukkanik qernertanik kisitsinissap piniartunik piffinni ilisimasaqarluartunik peqataatitsisup 2022-imi aallartinnissaa pillugu Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Harald Bianco & Knud Mathiassen, Inuit Ataqtigiit)
(Siullermeerneqarnera)

Naalackersuisut Nunatta kangiani qilalukkanik qernertanik piniartut ilisimasaannik atuilluni kisitseqqissaqqullugit peqquneqarnissaannik Inatsisartut aalajangiiffigisassaattut siunnersuut. Kisitseqqissaarneq siunissami nunatta kangianut pisassiisarnermut tunngaviliissaaq.

(Inatsisartunut ilaasortaq Lars Poulsen, Siumut)
(Siullermeerneqarnera)

Ittoqqortoormiini Tasiilallu eqqaanni qilalugartassat qernertat siunissami pisassiissuteqartarnissaaq pillugu apeqquteqaat aallaavigalugu oqallisissiatut siunnersuut.

(Inatsisartunut ilaasortaq Emanuel Nûko, Naleraq)
(Siullermeerneqarnera)

Siunnersuuteqartunut qujanaq Tunumi qilalukkanik qernertanik piniarnernermut tunngasunik ukkatarinnilersitsimmata.

Qilalukkanik qernertanik piniarneq nunatsinni kulturikkut pingaartut ilagaat, ilatsinnullu sulii inuuniarnikkut tunngaviulluni. Pingaartuuvoq, ilitsoqqussatta kulturittalu eriaginissaat maannakkut siunissamilu. Taamaattumik qilalukkat qernertat nungunnaannarsinnaanngilagut – pisussaaffigaarpummi qulakkiissallugu, meeqqatsinnut, ernguttatsinnut erngutaqqiutitsinnullu qilalukkanik qernertanik piniagassaqaarnissaa.

Tamanna tunngavigalugu pingarutilerujussuuvoq, tatiginartunik kisitsisinik peqarnissarput pisassiissatilluta. Kisitsisit taakku biologit piniartullu qanimut suleqatigiinnerisigut pissarsiarineqartariaqarput. Taamaattumik Demokraatit tapersorsorpaat aaliangigassatut siunnersuutigineqarmat Tunumi qilalukkat qernertat kisinneqassasut imaasillugu, siunissami pisassiissutissat pitsaanerpaamik tunngaveqarniassammata.

Siunnersuutit Aalisarnermut, Piniarnermut Nunalerinermullu ataatsimiititaliami suliareqqitassanngorlugit innersuunneqarput.